

ПАЙШАНБА КУНЛАРИ ЧИҚАДИ

• ЎЗБЕКИСТОН РЕСПУБЛИКАСИ БОЛАЛАР ЖАМҒАРМАСИ ҲАФТАЛИГИ •

• Баҳоси эркин нарҳда •



НАСИБА АБДУЛЛАЕВА ЭРИ ЭЛДОР АБДУЛЛАЕВ БИЛАН

Нормурод МУСОМОВ сурати

БИРИНЧИ БҮЛИБ ТОШКЕНТ ВИЛОЯТИДА

1-июн Халқаро болалар куні сифатида нишонла-нишини ҳамма билса керак. Мана шу муносабат билан яқинда Тошкент вилояти Болалар жамғармаси бўлими-да пленум бўлиб ўтди. 27-майдан 2-июнгача бўладиган «Меҳр байрами» тадбири маъқулланди.

Тошкент вилояти Болалар жамғармасининг навбат-даги пленумида бошқа масалалар билан бирга ушбу байрам юзасидан тадбирлар ишлаб чиқилди. Ҳар бир ту-ман учун махсус мутасаддилар тайинланди.

Тадбирда қариндош уруғлариникида яшайдиган етим болалар ва уларнинг васийларини таклиф қилиб уларга ёрдам қилиш, турар жой, корхона ва жамоя хўжаликлар-ида бу кунга атаб кечалар ташкил этиш кўзда тутил-ди. Шунингдек, жамоаларнинг соф фойдаларидан ёрдам тариқасида Тошкент вилояти Болалар жамғармаси ҳисоб счётига 000700013 Тошкент УҚБ Рустамбанкка пул ўтказиш тавсия этилди.

КЕЙИНГИ СОНЛАРДА:

КАШМИРЛИК ҚИЗ:

 МЕН МИРЛАР
АВЛОДИДАНМАН


МУКАРРАМА ҒАНИЖОН ҚИЗИ:

«БИЗ АҲИЛ ЯШАРДИК...»

**ҒАРБНИНГ «ҒУЗАЛ»
КЕЛАЖАГИ**

Ҳозирги кунда баъзи бир ватандошларимизнинг Ғарб мамлакатларидаги кишилар ҳаётига жуда ҳам қизиқиши катта. Худди улар каби бўлишни, улар каби яшашни орзу қилишади. Аслида бу орзу бизнинг Россия тарафидан босиб олинган кунларимиздан бошланган. Шундай орзуда яшаётган инсонлар ўзлигини билмайдилар, ўзлигини севмайдилар, фақат ғарбликлар каби бўлишга интиладилар. Ғарб халқларини маданиятли ҳисоблаб, улар каби «маданият»ли бўлишга ҳаракат қиладилар. Ўзининг тарихий, маданий, маънавий бойлигини назарга илмай ғарб маданиятидан ўрناق олмоқчи бўладилар.

Энди эса у инсонлар соғинган ғарб ҳаётидан баъзи бир маълумотлар бермоқчимиз. Ғарбда оилавий ҳаёт тугаган бир ҳолатдадир. Оила билан биргаликда никоҳ мажбурияти ҳам йўқ бўлмоқда. Ҳар уч кишидан бири ёлғиз яшамоқда. Оила парчаланганидан сўнг фарзанд ташвишини ўйламаган бу инсонлар, меҳр-муруватларини иту мушукларга сарф этмоқдалар. Фарзанд ва авлод севгиси ерини ҳайвон севгиси эгаллаган. Улар фарзандни ўзлари учун оғир юк дея санайдилар. Бир вақтлар Ғарбда бошланган оилани режалаштиришнинг натижасини кўриб турибмиз. Оила йўқ! Никоҳ йўқ! Зино ва фоҳишалар бор! Бу режалаштириш ва «маданиятлашиш» оқибатида аҳоли сони ортиси тўхтаган, энди сонларини


орттириш учун одам топилмапти. Шу сабабдан бошқа мамлакатлардан, бошқа ирқлардан бола олиб тарбиялашни исташяпти. Ғарбдаги бу ҳаёт бир неча йилдан бери давом этиб келмоқда.

Ғарб мамлакатларида ҳаёт кун сайин издан чиқмоқдадир. Жиноят қилиш, ўғирликка қўл уриш ёки фоҳишабозлик кундалик ҳаётнинг ажралмас қисмига айланди. Кечалари сайрга чиқиш, ҳаёт билан видолашишдек бир ҳолга келган. Масалан: Нью Йоркда ҳар кун кечаси соат 12 дан кейин 6-7 та оғир жиноят қилиш ўртача бир ҳолатдир. Еки Америкада содир этилган жиноятларни шундай қаторга тизиш мумкин.

— Уйга ўғирликка тушиш — ҳар 10 секундда 1 марта, автомобил ўғирлиги — ҳар 22 секундда 1, номусга тегиш — ҳар 6 секундда 1, бошқа жиноятлар — ҳар 25 секундда 1.

Шаҳарларда ҳар ким қўрқув билан яшамоқда. Кўчалар ишсизларга, безориларга, ватансиз бурчакларда тикилиб ётган инсонларга тўладир. Бу эса бизнинг ва бошқаларнинг тилида дoston бўлаётган Ғарбдир.

Бу ўлкаларнинг бундай «кривожапаниши» ғайритабиийдир. Буюк бир жарликка, буюк бир фалокатга йўлдир. Иқтисодий инқироз 5-10 йилда тузалиши мумкин. Аммо янги авлодни 5-10 йилда етиштиролмайсиз. Ғарбликлар ўз йўлида кети-



М. БОЛТАБОВЕВ сурати

шайётган экан, бизнинг айрим ғарб ихлосмандларимиз қаёққа кетишяпти? Бизга на ғарбдан ва на Европадан фойда бордир. Биз ўзлимизга, миллий маданиятимизга қайтишимиз керак. Биз маданиятни донги кетган Ғарб давлатларидан эмас, ўз тарихимиздан излашимиз шартдек.

Бугунги кунда дунёдаги энг қари авлод Германия ва Францияда бўлса, энг ёш авлод Хитойдадир. 1 миллиарддан кўп аҳолиси бўлган хитойликлар дунёни аҳолиси билан қўлга олишни ўйламоқдалар.

Рустам МАРДОН

**ҲАР НАРСАГА
ЎЗИМИЗ САБАБ**

Бир кунни юмуш билан электр поездида Ғазалкент тарафга кетаётган эдик. Ногоҳ далада юрган 10—14 ёшлар атрофидаги болалар тош отиб, вагон ойнасини синдиришди. Ойна парчаланиб ўриндиқда ўтирган қария ҳамда қўлида гўдагини эмизиб келаётган жувонни қонга белади. Табиийки, поезд йўналишини ўзгартирмайди. Иккаламиз эса шифокор сифатида зарур тиббий ёрдам кўрсатдик, холос. Аммо чилчил синган кўнгил ойналарини ким тиклаб беради, жабрдийдаларнинг шу тасодиф тўғрисида қўлида гўдагини эмизиб келаётган жувонни қонга белади. Табиийки, поезд йўналишини ўзгартирмайди.

Мақола муаллифларидан бири «тез ёрдам»нинг навбатчиси сифатида Лисуновнинг 1-мавзесига шошилгинч

чақиртирилади. Тун, соат иккилар атрофида, хароба лифтни ишлатолмай, 9 қаватга бир амаллаб кўтарилади. Хонада 18 ёшлар атрофидаги йигит нафас ололмай, кўкариб ётарди. Зудликда ўтказилган тиббий муолажалар ёрдам бермади, чунки астматик ҳолат деб юритиладиган бу дард фақат касалхона шароитидагина тузалиши мумкин эди. Ҳар дақиқа ганимат-

лиги учун, яна ўша хароба лифтга келишга мажбур бўлади. Яланғоч симларни улаб лифтга қиради, лекин қани энди у жойидан жилса! Асаблари дош беролмай, лифтни шу аҳволга солгани болаҳонадор қилиб сўкиб юборади. Таъжубки, лифтни шу кўйга солган беморнинг ўзи экан, бу ҳақда уялиб гапириб беради.

Концерт ёки кинохоналардан томоша тугагач чиқиш кетаётган одам ўздан кейин нақадар аянчли манзара қолаётганини кўрса эди. Ехуд сайлларда уюштирилган томошалардан кейинги ҳолатни кўриб, аросат майдонимикан деб ёқа ушлайсиз. Кўча-кўйдаги чанқовбости қурилмаларни тилка-пора қилаётганлар саратонда отаси ёки онаси лоҳасланиб, бир ютум сув истаб, сарсон бўлишини ўйлармикан! Еки чироқни кўзлаб мерганлигини намоён қилган йигитча эртага ўздан ҳам мерганроқ бошқа бир азаматнинг ўлкасига айланиб қолишини хаёлига келтирармикан!

«Таъқиқланган мева ширин бўлади» дея бежиз айтилмаган. Биз — катталар болаларга зарарли одатларни таъқиқлабгина қўймай, ўзимиз ҳам унга қатъий амал қилишимиз лозим. Авваламбор, ўзимиз

ҳар томонлама покляниб, нуқсонлардан ҳоли бўлсангина, келажак авлоддан уни талаб қилишга ҳақимиз. Табобатда «нуқсонли айлана» деган атама мавжуд. Бу назарияга асосан бир аъзо ва тўқиманинг меъёридан четлашиши вужуддаги барча тузилманинг фаолиятига салбий таъсир кўрсатади, бошқа аъзолардаги бундай бузилишлар эса ўз навбатида ҳа-

лиги касал аъзони ҳалокат ёқасига яқинлаштиради. Шу назарияни турмушга қўллаб кўрсак, бошимизга ёғаётган ҳар бир бапо учун ўзимиз масъуллигимизни англаб етамиз.

Алижон ЗОҲИДИЙ,
Пирназар АЛИХОНОВ,
Тошкент Болалар Тиббиёти
Олийгоҳи ассистентлари.

«ЗАЧЁТ»МИ Ё НОМУС!»

Мен Тошкент Давлат Педагогика олийгоҳининг БТУ ва одобнома факультетида ўқийман. Мана бизда жисмоний тарбия дарси ўтилади. Тўғри бу дарснинг ўтилгани яхши, ёмонмас. Уғил болаларни олдида бемалол юрaverишга ям ўрганар эканса» киши.

Лекин нима эмишки, яқинда бизни икки ҳафта чўмилишга оборамиз деб қолди. Йўқ, ўзингиз йўлаб кўринг, қанақа қилиб уялмасдан, ўғил болаларга ўзимизни кўз-кўз қилиб чиқамиз! Менимча бу, биз ўзбек қизларига умуман тўғри келмайди. Тагин қатнашмаганларга «зачёт» қўйилмас эмиш.

Сизлар нима дейсизлар, азизлар? Шунақанги масалаларни йўлаб кўришнинг вақти келмади-ми?!

Шоҳсанам. ТошДПИнинг БТУ ва одобнома факультети толибаси



А. САПАРМАТОВ сурати

